

PREDNCR

**AKCIONI PLAN
BRČKO DISTRIKTA B I H ZA PROVOĐENJE INICIJATIVE „PARTNERSTVO
ZA OTVORENU VLAST“ ZA PERIOD 2019-2020. GODINA**

Oktobar 2018.

1. Uvod

Bosna i Hercegovina je 24.septembra 2014. godine zvanično pristupila multilateralnoj globalnoj inicijativi Partnerstvo za otvorenu vlast. Partnerstvo za otvorenu vlast (eng.*Open Government Partnership-OGP*) je globalna multilateralna inicijativa za transparentnost i otvorenost rada organa i institucija javne vlasti, a njene učesnice su države koje se članstvom u Partnerstvu obavezuju na konkretne mjere i djelovanje u oblastima transparentnosti, osnaživanja učešća građana u vlasti, borbe protiv korupcije i uvođenja novih tehnologija koje čine javnu upravu što efikasnijom.

Ideju o osnivanju Partnerstva prvi put je iznio predsjednik SAD-a, Barack Obama, tokom svog govora u Skupštini UN-a u septembru 2010, a iduće godine je potpisana Deklaracija o otvorenoj vlasti od strane 8 država, koje su postale članice Upravnog odbora OGP inicijative – Brazil, Filipini, Indonezija, Južnoafrička Republika, Meksiko, Norveška, SAD i Velika Britanija. Od 8 inicijalnih članica OGP Inicijativa sada broji 80 članica i svake godine broj zemalja koje pristupaju inicijativi je u porastu.

U prethodnim godinama postojanja inicijativa je ostvarila mnogobrojna postignuća, koja između ostalog uključuju preko 2.500 mjera i aktivnosti koje su zajedno razvile i provele organizacije civilnog društva i vlade, a u velikom broju zemalja zahvaljujući OGP-u uspostavljen je stalni forum za dijalog između vlasti i civilnog društva. Sve ove mjere imaju za cilj da učine rad vlada efikasnijim, transparentnijim i odgovornijim i da ostvare pozitivan efekat na cijelu zajednicu.

U osnovi OGP inicijative leže vrijednosti iz Deklaracije o otvorenoj vlasti. Pristankom na pristupanje Partnerstvu, države članice izražavaju: 1. Svijest o potrebi za otvorenom vlašću - svjesnost da građani žele otvoreniju vlast, učešće u javnom životu i vlast koja će biti transparentna, odgovorna, efikasna i osjetljiva na potrebe građana. 2. Individualni pristup članstvu u Partnerstvu - prepoznavanje da svaka država odabire vlastiti pristup učešću u Partnerstvu, a koji je u skladu sa državnim prioritetima, okolnostima i željama građana. 3. Odgovorno ispunjavanje obaveza - prihvatanje odgovornosti preuzimanja obaveza u promovisanju transparentnosti, borbe protiv korupcije, osnaživanja građana i korištenja novih tehnologija u cilju efikasnije i odgovornije vlasti. 4. Otvorenost u saradnji sa građanima i promocija transparentnosti - zastupanje načela otvorenosti u zajedničkim naporima vlasti i građana da se obezbijedi progres, inovacije i sigurnost zajednice, te prihvatanje načela transparentnosti i otvorene vlasti, s ciljem postizanja višeg nivoa blagostanja, dobrobiti i ljudskog dostojanstva.

Principi Partnerstva za otvorenu vlast i implementacija mjera u okviru ove inicijative u direktnoj je vezi sa sprovođenjem reforme javne uprave, koja je fokusirana na stvaranje efikasne, transparentne, odgovorne, moderne javne uprave, koja će svoj rad temeljiti na najboljim praksama i principima evropskog upravnog prostora i istinski raditi u korist građana, pružanjem brzih i pouzdanih usluga.Partnerstvo za otvorenu vlast počiva na vrijednostima koje su u cijelini komplementarne vrijednostima na čije se poštivanje BiH obavezala i drugim relevantnim dokumentima u procesu pridruživanja Evropskoj uniji, a posebno i kroz dokument „Reformska agenda“ u kojem se jasno afirmišu principi transparentnosti i efikasnosti javne uprave.

2. Dosadašnji napori i planirane buduće aktivnosti na polju otvorene vlasti

Ovo je prvi Akcioni plan Brčko distrikta BIH za provođenje inicijative Partnerstvo za otvorenu vlast u BIH za period 2019 – 2020. godina, što će biti dio zajedničkog zbirnog Akcionog plana Republike Srpske, Federacije Bosne i Hercegovine i Brčko distrikta, kojeg će objediniti

Savjet ministara BiH. S obzirom na prioritete postavljene kroz niz strateških dokumenata kao što su Reformska agenda, Strateški okvir za nastavak reforme javne uprave, Strategija borbe protiv korupcije, Strategija razvoja javnih finansija i dr., Brčko distrikt BiH se opredijelio da slično kao Savjet ministara, prvi Akcioni plan obuhvati nekoliko izazova, kao što su: efikasnije upravljanje javnim resursima, poboljšanje javnih usluga kroz primjenu otvorenih podataka, povećanje transparentnosti institucija te poboljšanje saradnje i veće učešće civilnog društva u kreiranju javnih politika. Konkretno, Distrikt Brčko se opredjeljuje da se transparentnost pojača u oblasti javnih finansija i na polju razvijanja većeg stepena odnosa saradnje sa civilnim društvom to jest veće uključenosti građana i civilnog društva u procese donošenja odluka.

3. Podsjetnik na proces razvoja Nacrta AP-a

Savjet ministara Bosne i Hercegovine je na 77. sjednici održanoj 13.10.2016. godine, donijelo Odluku o osnivanju Savjetodavnog vijeća Inicijative „Partnerstvo za otvorenu vlast“. Savjetodavno vijeće ima savjetodavnu i koordinacionu ulogu s ciljem podsticanja transparentnosti i otvorenosti javne uprave. Uzimajući u obzir ustavno uređenje i nadležnosti nivoa vlasti u Bosni i Hercegovini Odlukom je predviđeno da sastav Savjetodavnog vijeća Inicijative “Partnerstvo za otvorenu vlast” čine: četiri predstavnika Savjeta ministara Bosne i Hercegovine (dva predstavnika Ministarstva pravde BiH i dva predstavnika Kancelarije koordinatora za reformu javne uprave), dva predstavnika Vlade Republike Srpske, dva predstavnika Vlade Federacije Bosne i Hercegovine, dva predstavnika Vlade Brčko distrikta Bosne i Hercegovine i četiri predstavnika organizacija civilnog društva, koja su izabrana putem javnog poziva.

Glavni zadatak Savjetodavnog vijeća je da pripremi prijedlog Okvirnog Akcionog plana koji bi bio sastavljen od Akcionog plana Savjeta ministara, Vlade Republike Srpske, Akcionog plana Vlade Federacije Bosne i Hercegovine i Akcionog plana Brčko distrikta Bosne i Hercegovine.

Konstituirajuća sjednica Savjetodavnog vijeća održana je 15.06.2018. godine pri čemu je formirano Savjetodavno vijeće i usvojen Poslovnik o radu.

U proteklom periodu održana su dva sastanka Savjetodavnog vijeća gdje su dogovoreni koraci pri izradi Akcionih planova nadležnih nivoa vlasti, kao i proces konsultacija sa zainteresovanom javnošću. Članovi Savjetodavnog vijeća imenovani ispred Vlade Brčko distrikta BiH i njihovi zamjenici, održali su određene međusobne konsultacije kao i sa predstavnicima nadležnih za implementaciju Mjera. Kao rezultat kreirane su dvije mjera koje će se provoditi u periodu 2019-2020. godina.

Template za obaveze/mjere	
Naziv i broj obaveze:	
1. Unapređenje mehanizama saradnje sa civilnim društvom u Brčko distriktu BiH	
Datum početka i datum završetka obaveze: 1.1.2019 -31.12.2019.g	
Vodeća agencija/institucija za implementaciju	Vlada Brčko distrikta BiH, Odjeljenje za stručne i administrativne poslove

Opis obaveze: Sama činjenica da je u Osnovnom sudu Brčko distrikta BiH, shodno Zakonu o udruženjima i fondacijama Brčko distrikta BiH registrovano oko 650 nevladinih organizacija i udruženja građana, te činjenica da se na godišnjem nivou za različite programsko-projektne aktivnosti izdvaja više od 8 miliona KM sredstava grantova iz Budžeta Distrikta, govori o tome da je civilno društvo u ovoj jedinici lokalne samouprave dosta razvijeno. Da bi se osigurao razvoj civilnog društva u skladu sa međunarodnim standardima i dobrim praksama funkcionisanja moderne demokratije, neophodno je izraditi koherentan legislativni okvir koji će stvoriti potsticaj kontinuiranom razvoju i jačanju civilnog društva na ravnomjernoj osnovi.

Nevladin sektor Brčko distrikta BiH daje određen doprinos razvoju ove specifične jedinice lokalne samouprave kroz proces identifikovanja potreba građana, kreiranja ili unapređenja lokalnih politika ili direktnog doprinosa njihovoj implementaciji organizujući građane ili pružajući im određene usloge, informacije ili slično, na određenim mjestima i u određenim situacijama, gdje obično vladine službe nisu u stanju da ostvare to bilo zbog hitnosti ili drugo.

Što se tiče samih institucionalnih mehanizama saradnje sa civilnim društvom u Brčko distriktu BiH, pri Vladi, formirano je posebno Pododjeljenje, koje ima naziv Pododjeljenje za podršku MZ, NVO i UG koje se bavi ovim pitanjima. Prostora za uspostavu novih mehanizama za podršku ima još i otuda i donošenje ove Mjere.

<p>Koji javni problem će adresirati ova obaveza?</p>	<p>Nedostatak uspostavljenih institucionalnih mehanizama saradnje vladinog i nevladinog sektora često predstavlja kočnicu u uključivanju civilnog društva u procese kreiranja i implementacije javnih politika. Kroz ovu obavezu nastoji se adresirati potreba za uspostavljanje jasnih procedura i mehanizama koji bi obezbijedili kontinuirano uključivanje i saradnju civilnog društva i Vlade Brčko distrikta BIH.</p> <p>Saradnja sa civilnim društvom o pitanjima javnih politika, uključujući i proces evropskih integracija, de facto je postala jedan od političkih uslova za punopravno članstvo u Evropsku uniju i redovno se adresira kako u strategijama proširenja Evropske unije, koje periodično objavljuje Evropska komisija, tako i u Izvještajima o napretku Bosne i Hercegovine za članstvo u EU.</p> <p>Ugovorom iz Lisabona o izmjenama i dopunama Ugovora o Evropskoj uniji i Ugovora o osnivanju Evropske zajednice propisano je da se Evropska unija temelji na zastupničkoj (uloga političkih partija) i učesničkoj demokratiji (uloga civilnog društva). Time je učešće građana i organizacija civilnog društva u radu institucija, kroz otvoren, transparentan i redovan dijalog i konsultacije, proklamovano temeljnom ustavnom vrijednošću na kojoj se zasniva Evropska unija – i koja obvezuje i zemlje kandidate i potencijalne kandidate za članstvo.</p>
<p>Šta je obaveza?</p>	<p>-Donijeti Izmjene i dopune Zakona o udruženjima fondacijama Brčko distrikta BiH;</p>

	<p>- Uspostavljanje Savjetodavnog tijela Vlade Brčko distrikta BiH za saradnju sa civilnim društvom ;</p> <p>-Obaveza svih Odjeljenja i institucija koje dodjeljuju grantove NVO i civilnom društvu da izvještaj o dodijeljenim grantovima objavljuju na zvaničnoj stranici Vlade Brčko distrikta BiH;</p>	
Kako će ispunjenje obaveze doprinijeti rješavanju javnog problema?	<p>Ispunjenjem ovih obaveze kreirat će se transparentniji mehanizmi za dodjelu sredstava grantova i veća uključenost civilnog društva u te procese. Takođe, javnost će na transparentan način biti obaviještena o svim dodijeljenim grantovima, programima i projektima koji su podržani sredstvima Budžeta kroz grantove NVO sektoru.</p>	
Zašto je ova obaveza relevantna za OGP vrijednosti?	<p>Ispunjenjem ove obaveze omogućava se efikasnije donošenje javnih politika transparentniji rad Vlasti, javnih službi i institucija i u spostavljaju se procedure saradnje Vlade Brčko distrikta BiH i civilnog društva.</p>	
Dodatne informacije	<p>U Brčko distriktu BiH veliki je broj nevladinih organizacija, oko 650, takođe velika se sredstva iz Budžeta distrikta izdvajaju za realizaciju programskih i projektnih sadržaja. Donesene politike kao što su Sporazum o saradnji Vlade i NVO, Pravilnik o e-konsultacijama, Odluka Vlade o uspostavljanju Savjeta za civilno društvo, Zakon o udruženjima i fondacijama Brčko distrikta BiH, MZ kao posebna udruženja građana i Zakon o MZ u Brčko distriktu BiH, konsultovanje sa javnošću prilikom donošenja zakona i propisa iz oblasti ekologije, poslovnik skupštine Brčko distrikta, uspostavljeno posebno Pododjeljenje za saradnju sa NVO, poseban Objekat omladinski centar besplatno se ustupa na korištenje, brojni objekti MZ, poslovni prostori, takođe se besplatno ustupaju na korištenje NVO i tako dalje, donošenjem navedenog isto bi se unaprijedilo stanje po tom pitanju i po pitanju transparentnog rada Vlade i veću uključenost i veće uzajamno povjerenje.</p>	
Ciljevi/aktivnosti	Datum početka:	Datum završetka:
Cilj: Odjeljenje za stručne i administrativne poslove je pripremio i uputilo Vladi Brčko distrikta BiH na odobravanje, izmjene i dopune Zakona o udruženjima i fondacijama Brčko distrikta BiH.	30.11. 2018.	31.1. 2019.
Cilj: Povećan stepen ispunjenja standarda proaktivne transparentnosti, Imenovanje Savjeta Brčko distrikta BiH za saradnju sa civilnim društvom Brčko distrikta BiH;	01.06.2019.	31.12.2019.
Cilj; Obavještanje javnosti o dodijeljenim grantovima NVO u protekloj fiskalnoj godini;	31.3.2019.	31.12. 2019. (i naredne godine)

Kontakt informacije	
Ime odgovorne osobe ispred institucije zadužene za implementaciju	Anica Radić-Savić
Pozicija, Odjel	Šef Pododjeljenja za podršku MZ, NVO i UG u Odjeljenju za stručne i administrativne poslove
E-mail i telefon	anica.radicsavic@bdcentral.net
Institucije i drugi akteri uključeni u implementaciju	Vlada Brčko distrikta BiH Odjeljenje za privredni razvoj, sport i kulturu i druga Odjelčenja i institucije koje dodjeljuju grantove NVO Organizacije civilnog društva
NVO, radne grupe	NVO, MZ i drugi oblici civilnog društva

Template za obaveze/mjere	
Naziv i broj obaveze: 2.Unapređenje finansijske transparentnosti I odgovornosti u planiranju i trošenju javnih sredstava.Na jednostavan i transparentan način građanima i javnosti učiniti dostupnim informacije o budžetu Distrikta kroz izradu Budžeta za građane Brčko distrikta BiH;	
Datum početka i datum završetka obaveze 31.1.2019-31.12.2020.g. (uz napomenu da se aktivnosti nastavljaju kao trajne, kontinuirane)	
Vodeća agencija/institucija za implementaciju	Direkcija za finansije Brčko distrikta BiH Odjeljenja Vlade Brčko distrikta BiH
Opis obaveze	
Koji javni problem će adresirati ova obaveza?	<p>Građani često nemaju potpuna saznanja koliko obaveznih troškova se mora prioritetno platiti iz Budžeta, prije nego što se dođe do stavki kao što su finansiranje infrastrukture u nekoj mjesnoj zajednici, popravka školskih ili sportskih objekata, ili takođe i rekreativne programe za omladinu i drugo što smo navikli da smatramo uobičajenim standardom života. Sa druge strane, građani znaju najbolje šta bi im poboljšalo uslove života u gradu, selu, MZ.</p> <p>Upravo zato ima smisla stalno unapređivati proces koji se zove kreiranje Budžeta, donošenje odluka o raspodjeli sredstava, konsultovanje sa učesnicima budžetkskih stavki, i informisanje građana o budžetu, te se tako i došlo na ideju širenja informacija o budžetu lokalne zajednice Brčko distrikta BiH kroz aktivnost izrade Budžeta za građane.</p> <p>Kreiranje Budžeta za građane je specifičan postupak uključivanja javnosti u odlučivanje o određenom finansijskom paketu koji je izdvojen od strane rukovodstva, i njegovo prikazivanje. Na taj način ova veoma kompleksna i teško razumljiva materija koja nije baš sasvim pristupačna cjelokupnoj javnosti se pojednostavljuje i time podstiče</p>

	<p>smisljeno učešće građana. Dakle, nije jedino i najvažnije da budžet bude dostupan javnosti, već je podjednako važno da budžet bude pristupačan i razumljiv javnosti, na jeziku i u oblicima koje obični ljudi mogu to razumjeti i cijeniti.</p> <p>U prilog činjenici da BiH, sa oba svoja entiteta i distriktom Brčko još uvijek nije dostigla dovoljnu otvorenost pri donošenju i prezentovanju budžeta, svjedoče i Izvještaji o napretku Bosne i Hercegovine.</p>
<p>Šta je obaveza?</p>	<p>Ova mjera bi se realizovala kroz pripremu i objavu publikacije Budžet za građane, dok bi sam proces izrade publikacije podrazumjevaao više koraka i uključenost niza aktera. Suština pristupa pri izradi Budžeta za građane jeste da se veoma komplikovane, stručne i obimne informacije predstave na jednostavan, sažet i privlačan način. Osnovni cilj je: učiniti građane kompetentnim i zainteresovanim za učešće u budžetskim procesima.</p> <p>Ključna institucija koja bi bila nosilac ove aktivnosti je Direkcija za finansije Brčko distrikta BiH a aktivnosti bi se realizovale u bliskoj saradnji sa nevladinim organizacijama zainteresovanim za ovaj proces.</p> <p>Provođenje ove mjere podrazumjeva sljedeće korake:</p> <ol style="list-style-type: none"> 1. Kroz razmjenu iskustava i prikupljanje relevantnih informacija sa institucijama i organizacijama koje imaju iskustvo u oblasti pripreme budžeta za građane, definisati ciljeve i svrhu kao i plan za izradu budžeta za građane, uobličene u Nacrt metodologije za pripremu budžeta za građane Brčko distrikta BIH; 2. U saradnji sa NVO provesti ispitivanje potreba javnosti, održavanje konsultacija s potencijalnim korisnicima, ili drugih vidova komunikacije kako bi se utvrdili interesi i potrebe korisnika. 3. Izrada i objava budžeta za građane - razmotriti prikupljene informacije, a zatim u skladu s njima osmisliti, napisati i objaviti budžet za građane. 4. Distribucija budžeta za građane elektronski i u printanoj verziji - Izrada budžeta za građane nema mnogo smisla ako ga mnogo ljudi ne čita, ne razumije i ne koristi se njim. 5. Procjena postupka i planiranje budžeta za građane za sljedeću godinu. Kao rezultat imali bismo uspostavljenu praksu da se Budžet za građane redovno izrađuje i svake bi se godine trebao nastavljati na naučeno iz prošlogodišnjeg iskustva. <p>Na ovaj bi način bila završana prva faza – po prvi put bio bi objavljen i distribiran budžet za građane Brčko distrikta BiH i to ne samo kao informativni materijal kojim bi se ova obaveza formalno ispoštovala, nego bi rezultat bio dokument u čijoj su pripremi učestvovali i sami građani i koji odražava njihove interese i potrebe.</p> <p>Naredna faza bila bi usmjerena na obuku službenika koji se time bave, u skladu sa razvijenom metodologijom, i razvoj jednostavnog template-a za pripremu kratkih i jednostavnih informacija o budžetima pojedinačnih institucija koje bi institucije eventualno objavljivale na svojim web stranicama.</p> <p>Nakon uspješno provedene prethodne dvije faze i uspostavljanja</p>

	<p>prakse objave budžeta za građane, u domenu omogućavanja učešća građana u pripremi budžeta mogla bi se razmotriti ideja da se kreira jednostavan obrazac za prijedloge i inicijative građana u ranoj fazi pripreme budžeta (Dokument okvirnog budžeta), koje bi mogli podnositi direktno institucijama iz domena njihovih specifičnih nadležnosti (Ovo samo kao alternativa).</p>
<p>Kako će ispunjenje obaveze doprinijeti rješavanju javnog problema?</p>	<p>Redovna priprema i objava budžeta u Brčko distriktu se odvijala u proceduri javne rasprave između dva skupštinka čitanja.</p> <p>Do sada je bilo nešto od aktivnosti na polju donošenja Budžeta za građane u smislu inicijativa a sada uvođenjem prakse sačinjavanja i objave Budžeta za građane očekuje se prije svega jačanje svijesti građana i javne odgovornosti vlade, ali i budžetske transparentnosti, što će rezultirati i povećanjem povjerenja građana i organizacija civilnog društva.</p>
<p>Zašto je ova obaveza relevantna za OGP vrijednosti?</p>	<p>Relevantnost ove mjere za OGP vrijednosti ogleda se u sljedećim činjenicama:</p> <ul style="list-style-type: none"> • Kroz realizaciju ove mjere/obaveze po prvi put objavljiće se informacije o budžetu namjenjene upravo građanima, poboljšaće se kvalitet objavljenih informacija u odnosu na potrebe ciljne grupe, biće poboljšana dostupnost i pristupačnost informacija u javnosti. • Kroz postizanje veće transparentnosti i osjećaja značajnijeg nadzora javnosti, očekuje se i jačanje odgovornosti kreatora potrošnje javnih sredstava za svoje prijedloge.
<p>Dodatne informacije</p>	<p>Uputstvom direktora Direkcije za finansije Brčko distrikta BiH, za izradu Budžeta za građane Brčko distrikta Bosne i Hercegovine “Službeni glasnik Brčko distrikta BiH” br.35/18 od 06.8.2018.godine, kao jedna od prioriternih aktivnosti u narednom periodu planirano je sačinjavanje i objava Budžeta za građane. Uputstvom je propisan način izrade budžeta za građane koji treba omogućiti javnosti uvid u projekcije raspoloživih budžetskih sredstava i utvrđenu namjenu. Priprema i objavljivanje dati su u nadležnost Direkcije za finansije. Međutim, obzirom da nije izmijenjen Zakon o budžetu Brčko distrikta BiH, planiranje budžeta Brčko distrikta BiH za narednu, 2019. fiskalnu godinu odvija se na stari način, bez ovih procedura.</p> <p>Kroz ovaj Akcioni plan način za realizaciju ove obaveze predstavlja značajno unaprjeđenje obzirom da je predviđena aktivna saradnja i komunikacija sa nevladinim sektorom i širom javnošću kako bi se suštinski, a ne samo formalno, dobio dokument koji je zaista namjenjen i prilagođen građanima.</p> <p>Takođe ovim je planirana dalja obuka i širenje pozitivne prakse na sva Odjeljenja Vlade Brčko distrikta BiH, kako bi se postigla potpunija transparentnost.</p> <p>Iako će se većina ovih aktivnosti realizovati u okviru kadrovskih kapaciteta Direkcije za finansije Brčko distrikta BiH zatražiće se partnerska donatorska organizacija spremnu da podrži planirane</p>

	aktivnosti.	
Ciljevi/aktivnosti	Datum početka:	Datum završetka:
Cilj: Pripremljena metodologija za pripremu budžeta za građane Brčko distrikta BiH; Aktivnost: razmjena iskustava i prikupljanje relevantnih informacija sa institucijama i organizacijama koje imaju iskustvo u oblasti pripreme budžeta za građane, definisati ciljeve i svrhu i plan za izradu budžeta za građane	31.1.2019	31.3.2019.
Cilj: utvrditi interese i potrebe korisnika/ciljne grupe; Aktivnost: U saradnji sa NVO I MZ provesti ispitivanje potreba javnosti /moguće provođenje anketa/održavanje konsultacija s potencijalnim korisnicima, ili drugih vidova komunikacije	31.3.2019	30.09.2019.
Cilj: Objavljen Budžet za građane i distribuiran široj javnosti elektronski i u printanoj verzij ; Aktivnosti: razmotriti i obraditi prikupljene informacije, a zatim u skladu s njima osmisliti, napisati, dizajnirati i objaviti budžet za građane, te distribuirati ga građanima putem web stranica i u printanoj formi.	30.09.2019	31.10.2019.
Napomena: Aktivnosi i rokovi su okvirni i podložni su manjim korekcijama u zavisnosti od Plana koji bude definisan od strane Direkcije za finansije I eventualno njihovih primjedbi I prijedkloga u daljoj proceduri.		
Kontakt informacije		
Ime odgovorne osobe ispred institucije zadužene za implementaciju	1. Mato Lučić 2. Nevresa Hasandžiković	
Pozicija, Odjel	1. Direktor Direkcije za finansije 2. Direktorica Trezora	
E-mail i telefon	1. 049 231 701 2. 049 212 984	
Institucije i drugi akteri uključeni u implementaciju	Sva Odjeljenja Vlade Brčko distrikta BiH. Institucije Brčko distrikta BiH.	
NVO, MZ	Nevladine organizacije i drugi oblici civilnog društva, radne grupe.	

Brčko: Oktobar, 2018.godine